

RIALACHÁN (AE) 2022/2400 Ó PHARLAIMINT NA hEORPA AGUS ÓN gCOMHAIRLE**an 23 Samhain 2022****lena leasaítear Iarscríbhinní IV agus V a ghabhann le Rialachán (AE) 2019/1021 maidir le truailléin orgánacha mharthanacha****(Téacs atá ábhartha maidir le LEE)**

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 192(1) de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na parlaimintí náisiúnta,

Ag féachaint don tuairim ó Choiste Eacnamaíoch agus Sóisialta na hEorpa ⁽¹⁾,

Tar éis dóibh dul i gcomhairle le Coiste na Réigiúin,

Ag gníomhú dóibh i gcomhréir leis an ngnáthnós imeachta reachtach ⁽²⁾,

De bharr an mhéid seo a leanas:

- (1) Maidir leis na gealltanais a leagtar amach i gCoinbhinsiún Stócólm maidir le Truailléin Orgánacha Mharthanacha (“an Coinbhinsiún”), arna fhorghabháil le cinneadh 2006/507/CE ón gComhairle ⁽³⁾, agus sa Phrótacal a ghabhann le Coinbhinsiún 1979 ar Thruailliú Aeir Trasteorann Fadraoin maidir le Truailléin Orgánacha Mharthanacha, arna fhorghabháil le cinneadh 2004/259/CE ón gComhairle ⁽⁴⁾, déantar na gealltanais sin a chur chun feidhme ar leibhéal an Aontais le Rialachán (AE) 2019/1021 ó Pharlaimint na hEorpa agus ón gComhairle ⁽⁵⁾ maidir le truailléin orgánacha mharthanacha.
- (2) Ag an seachtú cruinniú de Chomhdháil na bPáirtithe sa Choinbhinsiún, a tionóladh ón 4 go dtí an 15 Bealtaine 2015, comhaontaíodh peinteaclóraifeanól, a shalainn agus a eistir (“peinteaclóraifeanól”) a chur isteach in Iarscríbhinn A a ghabhann leis an gCoinbhinsiún. Ag an naoú cruinniú de Chomhdháil na bPáirtithe sa Choinbhinsiún, a tionóladh ón 29 Aibreán go dtí an 10 Bealtaine 2019, comhaontaíodh déchófol chomh maith le haigéad sárflhuarochtánóch (PFOA), a shalainn agus a chomhdhúile PFOA-ghaolmhara a chur isteach in Iarscríbhinn A a ghabhann leis an gCoinbhinsiún. Ag an deichiú cruinniú de Chomhdháil na bPáirtithe sa Choinbhinsiún, a tionóladh ón 6 go dtí an 17 Meitheamh 2022, comhaontaíodh aigéad sárfluaraiheacsáin sulfónach (PFHxS), a shalainn agus a chomhdhúile PFHxS-ghaolmhara a chur isteach in Iarscríbhinn A a ghabhann leis an gCoinbhinsiún. I bhfianaise na leasuithe sin ar an gCoinbhinsiún agus chun a áirithiú go ndéantar dramhaíl ina bhfuil na substaintí sin a bhainistiú i gcomhréir le forálacha an Choinbhinsiúin, is gá Iarscríbhinní IV agus V a ghabhann le Rialachán (AE) 2019/1021 a leasú freisin trí pheinteaclóraifeanól, déchófol agus PFOA, a shalainn agus a chomhdhúile PFOA-ghaolmhara, chomh maith le PFHxS, a shalainn agus a chomhdhúile PFHxS-ghaolmhara, a chur isteach sna hIarscríbhinní agus teorainneacha tiúchana comhfhreagracha gach ceann ar leith díobh a lua.

⁽¹⁾ IO C 152, 6.4.2022, lch. 197.

⁽²⁾ Seasamh ó Pharlaimint na hEorpa an 4 Deireadh Fómhair 2022 (nár foilsíodh san Iris Oifigiúil) agus cinneadh ón gComhairle an 24 Deireadh Fómhair 2022 (nár foilsíodh san Iris Oifigiúil).

⁽³⁾ Cinneadh 2006/507/CE ón gComhairle an 14 Deireadh Fómhair 2004 maidir le tabhairt i gcrích, thar ceann an Chomhphobail Eorpaigh, Choinbhinsiún Stócólm maidir le Truailléin Orgánacha Mharthanacha (IO L 209, 31.7.2006, lch. 1).

⁽⁴⁾ Cinneadh 2004/259/CE ón gComhairle an 19 Feabhra 2004 maidir le tabhairt i gcrích, thar ceann an Chomhphobail Eorpaigh, an Phrótacail a ghabhann le Coinbhinsiún 1979 ar Thruailliú Aeir Trasteorann Fadraoin maidir le Truailléin Orgánacha Mharthanacha (IO L 81, 19.3.2004, lch. 35).

⁽⁵⁾ Rialachán (AE) 2019/1021 ó Pharlaimint na hEorpa agus ón gComhairle an 20 Meitheamh 2019 maidir le truailléin orgánacha mharthanacha (IO L 169, 25.6.2019, lch. 45).

- (3) Le Rialachán (AE) 2019/636 ón gCoimisiún ⁽⁶⁾, liostaíodh peinteaclóraifeanól roimhe in Iarscríbhinní IV agus V a ghabhann le Rialachán (CE) Uimh. 850/2004 ó Pharlaimint na hEorpa agus ón gComhairle ⁽⁷⁾, agus luach 100 mg/kg luaite maidir leis in Iarscríbhinn IV agus luach 1 000 mg/kg luaite maidir leis in Iarscríbhinn V. I Rialachán (AE) 2019/1021, lenar aisghaireadh Rialachán (CE) Uimh. 850/2004, fágadh peinteaclóraifeanól ar lár go neamhbheartaithe. Is gá, dá bhrí sin, Iarscríbhinní IV agus V a ghabhann le Rialachán (AE) 2019/1021 a leasú chun peinteaclóraifeanól a chur isteach iontu.
- (4) Tá teorainneacha tiúchana cheana féin ann in Iarscríbhinní IV agus V a ghabhann le Rialachán (AE) 2019/1021 maidir leis na substaintí nó na grúpaí substaintí seo a leanas: (a) suim na dtiúchan éitir teitrebromaidhéifheineile, éitir peinteabromaidhéifheineile, éitir heicseabromaidhéifheineile, éitir heipteabromaidhéifheineile agus éitir deacabromaidhéifheineile (cé is moite den cheann deireanach, ceann nach liostaítear in Iarscríbhinn V a ghabhann leis an Rialachán sin); (b) Heicseabromaiciogladóideacán; (c) Alcáin C₁₀-C₁₃, clóra (pairifíní clóirínithe gearrshlabhracha) (SCCPanna); agus (d) débheinsi-p-dé-ocsainí polaclóirínithe agus débheinséafúráin pholaclóirínithe (PCDD/PCDF). De bhun Airteagal 15(2) de Rialachán (AE) 2019/1021, is iomchuí na teorainneacha tiúchana in Iarscríbhinn IV a leasú maidir leis na substaintí sin chun a dteorainnluachanna a oiriúnú don dul chun cinn eolaíoch agus teicniúil. Chun bheith comhsheasmhach leis an liosta d'éitir dhéifheineile pholabróimínithe (PBDEanna) a leagtar amach in Iarscríbhinn IV a ghabhann le Rialachán (AE) 2019/1021, ba cheart an tsubstaint éitear deacabromaidhéifheineile a chur isteach i measc na PBDEanna a liostaítear sa tríú colún d'Iarscríbhinn V a ghabhann leis an Rialachán sin.
- (5) Chun a chur ar chumas na mBallstát sonraí a bhailiú maidir leis an méid iarbhrí PCDD/PCDF agus déifheinilí polaclóirínithe dé-ocsainiúla (dl-PCBanna) i luaithreach agus súiche ó theaghlaigh phríobháideacha, agus i luaith cháithnéach ó aonaid bhithmhaise le haghaidh táirgeadh teasa agus cumhachta, agus chun dóthain ama a thabhairt do na Ballstáit na bearta is gá a dhéanamh chun éifeacht a thabhairt do Rialachán (AE) 2019/1021, ba cheart feidhm a bheith ag an teorainn tiúchana leasaithe le haghaidh shuim PCDD/PCDF agus dl-PCBanna, a mhéid a bhaineann le luaithreach agus súiche ó theaghlaigh phríobháideacha agus le luaith cháithnéach ó aonaid bhithmhaise, tráth níos déanaí tar éis theacht i bhfeidhm an Rialacháin seo. Chun gur féidir beartais oiriúnacha a dhearadh chun an luaithreach agus an súiche sin a bhailiú agus a chóireáil agus chun tacú leis an athbheithniú dá dtagraítear in Iarscríbhinn IV agus leis an bhfaireachán ar chur chun feidhme de bhun Airteagal 13 de Rialachán (AE) 2019/1021, ba cheart do na Ballstáit faisnéis a bhailiú maidir le PCDD/PCDF agus dl-PCBanna a bheith i luaithreach agus súiche ó theaghlaigh phríobháideacha agus i luaith cháithnéach ó aonaid bhithmhaise le haghaidh táirgeadh teasa agus cumhachta. Ba cheart an fhaisnéis sin a chur ar fáil tráth nach déanaí ná an 1 Iúil 2026.
- (6) A mhéid a bhaineann le PBDEanna a liostaítear i Rialachán (AE) 2019/1021, ba cheart an teorainn tiúchana le haghaidh shuim na substaintí sin i ndramhaíl a shocrú ag 500 mg/kg. Agus aird chuig á thabhairt ar an meath atá ag teacht ar thiúchain PBDEanna i ndramhaíl áirithe, atá mar thoradh ar na srianta atá ann cheana ar PBDEanna a chur ar an margadh agus a úsáid, agus i bhfianaise na héabhlóide a d'fhéadfadh teacht ar mhodhanna ábhartha sórtála agus anailise, ba cheart an teorainnluach a íslíú go 350 mg/kg 3 bliana tar éis theacht i bhfeidhm an Rialacháin seo agus go 200 mg/kg 5 bliana tar éis dó teacht i bhfeidhm.
- (7) Ós rud é go bhfuil airíonna tocsaineolaíocha ag gabháil le foghrúpa ina bhfuil 12 chomhaicmeach PCB, eadhon PCB-77, PCB-81, PCB-105, PCB-114, PCB-118, PCB-123, PCB-126, PCB-156, PCB-157, PCB-167, PCB-169 agus PCB 189, ar a dtugtar dl-PCBanna, airíonna tocsaineolaíocha atá cosúil go mór le hairíonna tocsaineolaíocha PCDD/PCDF, agus chun éifeacht chomhiomlánaithe na gcomhdhúl dé-ocsainiúil uile a liostaítear i Rialachán (AE) 2019/1021 a chur san áireamh, is iomchuí dl-PCBanna a chur isteach san iontráil ghrúpa atá ann cheana le haghaidh PCDD/PCDF in Iarscríbhinní IV agus V a ghabhann le Rialachán (AE) 2019/1021. Ba cheart an liosta de luachanna fachtóra coibhéise tocsaineachta i gCuid 2 d'Iarscríbhinn V a ghabhann leis an Rialachán sin a leasú freisin chun na luachanna comhfhreagracha a thabhairt isteach i leith na gcomhaicmeach dl-PCB aonair.
- (8) Na teorainneacha tiúchana atá beartaithe in Iarscríbhinní IV agus V a ghabhann le Rialachán (AE) 2019/1021, socraíodh iad trí bhíthin na modheolaíochta céanna lenar bunaíodh na teorainneacha tiúchana i leasuithe a rinneadh roimhe seo ar Iarscríbhinní IV agus V a ghabhann le Rialachán (CE) Uimh. 850/2004. Ba cheart prionsabal an réamhchúraim, mar a leagtar síos sa Chonradh ar Fheidhmiú an Aontais Eorpaigh, a bheith mar bhuntaca leis na teorainneacha tiúchana atá beartaithe agus ba cheart é a bheith mar aidhm leo deireadh a chur, nuair is féidir, le scaoileadh truaileán orgánach marthanach sa chomhshaol, chun go mbainfear amach leo an cuspóir maidir le leibhéal ard cosanta do shláinte an duine agus don chomhshaol, cosaint lena ngabhann scriosadh nó claochlú do-aisiompaithe na substaintí lena mbaineann. Ba cheart a chur san áireamh leis na teorainneacha sin freisin an cuspóir beartais leathan maidir le huaillmhian truaillí nialasach a bhaint amach chun críche timpeallacht atá saor ó thocsainí, athchúrsáil a mhéadú, astaíochtaí gás ceaptha teasa a laghdú, timthriallta ábhar neamhthocsaineach a fhorbairt, agus geilleagar ciorclach neamhthocsaineach, a chumhdaítear i dteachtaireacht ón gCoimisiún an 11 Nollaig 2019 dar teideal *The European Green Deal* [An Comhaontú Glas don Eoraip], a bhaint amach.

⁽⁶⁾ Rialachán (AE) 2019/636 ón gCoimisiún an 23 Aibreán 2019 lena leasaítear Iarscríbhinní IV agus V a ghabhann le Rialachán (CE) Uimh. 850/2004 ó Pharlaimint na hEorpa agus ón gComhairle maidir le truailléain orgánacha mharthanacha (IO L 109, 24.4.2019, lch. 6).

⁽⁷⁾ Rialachán (CE) Uimh. 850/2004 ó Pharlaimint na hEorpa agus ón gComhairle an 29 Aibreán 2004 maidir le truailléain orgánacha mharthanacha agus lena leasaítear Treoir 79/117/CEE (IO L 158, 30.4.2004, lch. 7).

- (9) Na teorainneacha tiúchana a shonraítear in Iarscríbhinní IV agus V a ghabhann le Rialachán (AE) 2019/1021, ba cheart iad a bheith comhleanúnach agus ba cheart dóibh cur le cur i bhfeidhm theachtairacht ón gCoimisiún an 14 Deireadh Fómhair 2020 dar teideal *Chemicals Strategy for Sustainability — Towards a Toxic-Free Environment* [Straitéis Ceimiceán don Inbhuanaitheacht — I dTreo Timpeallacht Saor ó Thocsainí].
- (10) Chun inrianaitheacht níos fearr agus cóireáil éifeachtach ar an dramhaíl ina bhfuil truailléain orgánacha mharthanacha a áirithiú, agus chun neamhréireachtaí i ndlí an Aontais a sheachaint, is gá comhleanúnachas a áirithiú idir na forálacha a bhaineann le dramhaíl ina bhfuil truailléain orgánacha mharthanacha a leagadh amach i dtosach i Rialachán (CE) Uimh. 850/2004, atá aisghairthe anois le Rialachán (AE) 2019/1021, agus na forálacha sin a leagtar amach ina dhiaidh sin. Ba cheart don Choimisiún, dá bhrí sin, measúnú a dhéanamh i dtaobh an bhfuil sé iomchuí go bhfuil dramhaíl ina bhfuil aon truailléain orgánacha mharthanacha a sháraíonn na teorainneacha tiúchana a shonraítear in Iarscríbhinn IV a ghabhann le Rialachán (AE) 2019/1021 le haicmiú mar dhramhaíl ghuaiseach, agus ba cheart dó togra reachtach a chur ar aghaidh, más iomchuí, chun Treoir 2008/98/CE ó Pharlaimint na hEorpa agus ón gComhairle ⁽⁸⁾ a leasú nó togra a chur ar aghaidh chun Cinneadh 2000/532/CE ón gCoimisiún ⁽⁹⁾ a leasú, nó iad araon, dá réir sin.
- (11) De réir chuspóirí na Straitéise Teicstíle, a leagtar amach i dteachtairacht ón gCoimisiún an 30 Márta 2022 dar teideal *EU Strategy for Sustainable and Circular Textiles* [Straitéis an Aontais Eorpaigh um Theicstílí Inbhuanaithe agus Ciorclacha], ba cheart táirgí teicstíle a chuirtear ar mhargadh an Aontais a bheith déanta den chuid is mó as snáithíní athchúrsáilte atá saor ó shubstaintí guaiseacha. Chun a áirithiú go bhfuil teicstílí athchúrsáilte saor ó cheimiceáin ghuaiseacha amháil PFOA ón tús, is gá teorainnluachanna i leith PFOA, a shalann agus a chomhdhúl PFOA-ghaolmhar i ndramhaíl a neartú ós rud é go bhféadfadh a láithreacht tionchar a bheith ar bhailiú agus cóireáil dramhaíola teicstíle. Dá bhrí sin, ba cheart don Choimisiún athbhreithniú a dhéanamh ar an teorainn tiúchana d'fhonn an luach a íslíú, i gcás inarb indéanta an t-íslíú sin i gcomhréir leis an dul chun cinn eolaíoch agus teicniúil.
- (12) Dá bhrí sin, ba cheart Rialachán (AE) 2019/1021 a leasú dá réir.
- (13) Is iomchuí foráil a dhéanamh maidir le tréimhse leordhóthanach ionas go mbeidh cuideachtaí agus údarais inniúla in ann iad féin a chur in oiriúint do na ceanglais nua.
- (14) Ós rud é nach féidir leis na Ballstáit cuspóir an Rialacháin seo, eadhon an comhshaol agus sláinte an duine a chosaint ar thruailléain orgánacha mharthanacha, a ghnóthú go leordhóthanach agus, de bharr éifeachtaí trasteorann na dtruailléain sin, gur fearr is féidir é a ghnóthú ar leibhéal an Aontais, féadfaidh an tAontas bearta a ghlacadh, i gcomhréir le prionsabal na coimhdeachta a leagtar amach in Airteagal 5 den Chonradh ar an Aontas Eorpach. I gcomhréir le prionsabal na comhréireachta a leagtar amach san Airteagal sin, ní théann an Rialachán seo thar a bhfuil riachtanach chun an cuspóir sin a ghnóthú,

TAR ÉIS AN RIALACHÁN SEO A GHLACADH:

Airteagal 1

Leasaítear Rialachán (AE) 2019/1021 mar a leanas:

- (1) cuirtear an t-airteagal seo a leanas isteach:

“Airteagal 21a

Foráil idirthréimhseach

1. Beidh feidhm ag luach 10 µg/kg maidir le luaith cháithníneach ó aonaid bhithmhaise le haghaidh táirgeadh teasa agus cumhachta ina bhfuil débheinsi-p-dé-ocsainí polaclóirínithe agus débheinséafúráin pholaclóirínithe (PCDD/PCDF) agus défheiniú pholaclóirínithe dé-ocsainiúil (dl-PCBanna), nó atá éillithe leo, mar a liostaítear in Iarscríbhinn IV go dtí an 30 Nollaig 2023. Beidh feidhm ag luach 5 µg/kg dá bhforáiltear in Iarscríbhinn IV maidir le luaith cháithníneach ó aonaid bhithmhaise le haghaidh táirgeadh teasa agus cumhachta ón 31 Nollaig 2023.

⁽⁸⁾ Treoir 2008/98/CE ó Pharlaimint na hEorpa agus ón gComhairle an 19 Samhain 2008 maidir le dramhaíl agus lena n-aisghairtear Treoracha áirithe (IO L 312, 22.11.2008, lch. 3).

⁽⁹⁾ Cinneadh 2000/532/CE ón gCoimisiún an 3 Bealtaine 2000 ag ionadú Chinneadh 94/3/CE lena mbunaítear liosta dramhaíola de bhun Airteagal 1(a) de Threoir 75/442/CEE ón gComhairle maidir le dramhaíl agus Treoir 94/904/CE ón gComhairle lena mbunaítear liosta de dhramhaíl ghuaiseach de bhun Airteagal 1(4) de Threoir 91/689/CEE ón gComhairle maidir le dramhaíl ghuaiseach (IO L 226, 6.9.2000, lch. 3).

2. Leanfaidh luach 15 µg/kg d'fheidhm a bheith aige maidir le luaithreach agus súiche ó theaghlaigh phríobháideacha ina bhfuil débheinsi-p-dé-ocsainí polaclóirínithe agus débheinseafúrán pholaclóirínithe (PCDD/P CDF) mar a liostaítear in Iarscríbhinn IV, nó atá éilithe leo, go dtí an 31 Nollaig 2024. Maidir le luaithreach agus súiche ó theaghlaigh phríobháideacha ina bhfuil débheinsi-p-dé-ocsainí polaclóirínithe agus débheinseafúrán pholaclóirínithe (PCDD/PCDF) agus débheinilí polaclóirínithe dé-ocsainiúla (dl-PCBanna), nó atá éilithe leo, beidh feidhm ag luach 5 µg/kg dá bhforáiltear in Iarscríbhinn IV ón 1 Eanáir 2025.”;

(2) Déantar Iarscríbhinní IV agus V a leasú i gcomhréir leis an Iarscríbhinn a ghabhann leis an Rialachán seo.

Airteagal 2

Déanfaidh an Coimisiún measúnú i dtaobh an mbeadh sé iomchuí Treoir 2008/98/CE nó Cinneadh 2000/532/CE, nó iad araon, a leasú chun a aithint go bhfuil dramhaíl ina bhfuil aon truailleáin orgánacha mharthanacha a sháraíonn na teorainneacha tiúchana a shonraítear in Iarscríbhinn IV a ghabhann le Rialachán (AE) 2019/1021 le haicmiú mar dhramhaíl ghuaiseach, agus, más iomchuí, bunaithe ar an measúnú sin agus tráth nach déanaí ná 36 mhí tar éis theacht i bhfeidhm an Rialacháin seo, déanfaidh sé togra reachtach a chur ar aghaidh chun Treoir 2008/98/CE a leasú nó togra a chur ar aghaidh chun Cinneadh 2000/532/CE a leasú, nó iad araon, dá réir sin.

Airteagal 3

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm ag an Rialachán seo ón 10 Meitheamh 2023.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh in Strasbourg, an 23 Samhain 2022.

Thar ceann Pharlaimint na hEorpa
An tUachtarán
R. METSOLA

Thar ceann na Comhairle
An tUachtarán
M. BEK

IARSCRÍBHINN

Leasaítear Iarscríbhinní IV agus V mar a leanas:

(1) leasaítear Iarscríbhinn IV mar a leanas:

(a) cuirtear na rónna seo a leanas leis an tábla:

"Peintaclóraifeanól, a shalainn agus a eistir	87-86-5 agus cinn eile	201-778-6 agus cinn eile	100 mg/kg
Déchófól	115-32-2	204-082-0	50 mg/kg
Aigéad sárflhuarochtánóch (PFOA), a shalainn agus a chomhdhúile PFOA-ghaolmhara, mar a leagtar amach in Iarscríbhinn I	335-67-1 agus cinn eile	206-397-9 agus cinn eile	1 mg/kg (PFOA agus a shalainn), 40 mg/kg (suim de na comhdhúile PFOA-ghaolmhara) Athbhreithneoidh an Coimisiún an teorainn tiúchana sin agus, i gcás inarb iomchuí, glacfaidh sé togra reachtach chun an luach sin a ísliú, i gcás inarb indéanta an t-íslíú sin i gcomhréir le dul chun cinn eolaíoch agus teicniúil, tráth nach déanaí ná an 30 Nollaig 2027.
Aigéad sárflhuaraiheacsáin sulfónach (PFHxS), a shalainn agus a chomhdhúile PFHxS-ghaolmhara	355-46-4 agus cinn eile	355-46-4 agus cinn eile	1 mg/kg (PFHxS agus a shalainn), 40 mg/kg (suim de na comhdhúile PFHxS-ghaolmhara) Athbhreithneoidh an Coimisiún an teorainn tiúchana sin agus, i gcás inarb iomchuí, glacfaidh sé togra reachtach chun an luach sin a ísliú, i gcás inarb indéanta an t-íslíú sin i gcomhréir le dul chun cinn eolaíoch agus teicniúil, tráth nach déanaí ná an 30 Nollaig 2027.";

(b) cuirtear an méid seo a leanas in ionad ró na substainte Alcáin C₁₀-C₁₃, clóra (pairifíní clóirínithe gearrshlabhra) (SCCPanna):

"Alcáin C ₁₀ -C ₁₃ , clóra (pairifíní clóirínithe gearrshlabhracha) (SCCPanna)	85535-84-8	287-476-5	1 500 mg/kg Déanfaidh an Coimisiún athbhreithniú ar an teorainn tiúchana sin agus, i gcás inarb iomchuí, glacfaidh sé togra reachtach chun an luach sin a ísliú tráth nach déanaí ná an 30 Nollaig 2027.";
--	------------	-----------	---

- (c) cuirtear an méid seo a leanas in ionad rónna na substaintí Éitear teitreabrómaidhfhéinile $C_{12}H_6Br_4O$, Éitear peinteabrómaidhfhéinile $C_{12}H_5Br_5O$, Éitear heicseabrómaidhfhéinile $C_{12}H_4Br_6O$, Éitear heipteabrómaidhfhéinile $C_{12}H_3Br_7O$ agus Éitear deacabrómaidhfhéinile $C_{12}Br_{10}O$:

“Éitear teitreabrómaidhfhéinile $C_{12}H_6Br_4O$	40088-47-9 agus cinn eile	254-787-2 agus cinn eile	Suim na dtiúchan éitir teitreabrómaidhfhéinile $C_{12}H_6Br_4O$, éitir peinteabrómaidhfhéinile $C_{12}H_5Br_5O$, éitir heicseabrómaidhfhéinile $C_{12}H_4Br_6O$, éitir heipteabrómaidhfhéinile $C_{12}H_3Br_7O$ agus éitir deacabrómaidhfhéinile $C_{12}Br_{10}O$: (a) go dtí an 29 Nollaig 2027, 500 mg/kg; (b) ón 30 Nollaig 2025 go dtí an 28 Nollaig 2027, 350 mg/kg nó, más airde, suim thiúchan na substaintí sin i gcás inarb ann dóibh i meascáin nó in earraí, mar a leagtar amach sa cheathrú colún, pointe 2, d'Iarscríbhinn I maidir leis na substaintí éitear teitreabrómaidhfhéinile, éitear peinteabrómaidhfhéinile, éitear heicseabrómaidhfhéinile, éitear heipteabrómaidhfhéinile agus éitear deacabrómaidhfhéinile; (c) ón 30 Nollaig 2027, 200 mg/kg nó, más airde, suim thiúchan na substaintí sin i gcás inarb ann dóibh i meascáin nó in earraí, mar a leagtar amach sa cheathrú colún, pointe 2, d'Iarscríbhinn I maidir leis na substaintí éitear teitreabrómaidhfhéinile, éitear peinteabrómaidhfhéinile, éitear heicseabrómaidhfhéinile, éitear heipteabrómaidhfhéinile agus éitear deacabrómaidhfhéinile.”
Éitear peinteabrómaidhfhéinile $C_{12}H_5Br_5O$	32534-81-9 agus cinn eile	251-084-2 agus cinn eile	
Éitear heicseabrómaidhfhéinile $C_{12}H_4Br_6O$	36483-60-0 agus cinn eile	253-058-6 agus cinn eile	
Éitear heicseabrómaidhfhéinile $C_{12}H_3Br_7O$	68928-80-3 agus cinn eile	273-031-2 agus cinn eile	
Éitear heipteabrómaidhfhéinile; decaBDE) $C_{12}Br_{10}O$	1163-19-5 agus cinn eile	214-604-9 agus cinn eile	

- (d) cuirtear an méid seo a leanas in ionad ró na substaintí Débheinsi-p-dé-ocsainí polaclóirínithe agus débheirseafúráin (PCDD/PCDF):

“Débheinsi-p-dé-ocsainí polaclóirínithe agus débheirseafúráin pholaclóirínithe (PCDD/PCDF) agus défhéinilí polaclóirínithe dé-ocsainiúla (dl-PCBanna)			5 µg/kg ⁽¹⁾ Athbhreithneoidh an Coimisiún an teorainn tiúchana sin agus, i gcás inarb iomchuí, glacfadh sé togra reachtach chun an luach sin a íslú, i gcás inarb indéanta an t-íslú sin i gcomhréir le dul chun cinn eolaíoch agus teicniúil, tráth nach déanaí ná an 30 Nollaig 2027.
---	--	--	---

(1) Ríomhtar an teorainn de réir shuim na PCDDanna, na PCDFanna agus na dl-PCBanna agus de réir na bhfachtóirí coibhéise tocsaineachta (TEFanna) a leagtar amach i gCuid 2, sa tríú mír, sa tábla, d'Iarscríbhinn V.”;

- (e) cuirtear an méid seo i leanas in ionad ró na substainte heicseabrómaicigladóideacán:

“Heicseabrómaicigladóideacán ⁽¹⁾	25637-99-4, 3194-55-6, 134237-50-6, 134237-51-7, 134237-52-8	247-148-4 221-69-5-9	500 mg/kg Déanfaidh an Coimisiún athbhreithniú ar an teorainn tiúchana sin agus, i gcás inarb iomchuí, glacfadh sé togra reachtach chun an luach sin a íslú go luach nach airde ná 200 mg/kg tráth nach déanaí ná an 30 Nollaig 2027.
---	--	----------------------	--

(1) Ciallaíonn ‘heicseabrómaicigladóideacán’ heicseabrómaicigladóideacán, 1,2,5,6,9,10-heicseabrómaicigladóideacán agus a dhiaisteiré-isiméirí príomha: alfa-heicseabrómaicigladóideacán, béite-heicseabrómaicigladóideacán agus gáma-heicseabrómaicigladóideacán.”;

(2) leasaítear Cuid 2 d'Iarscríbhinn V mar a leanas:

(a) sa dara mír, déantar an chéad cholún den tábla dar teideal "Dramhaíl mar a aicmítear i i gCinneadh 2000/532/CE" a leasú mar a leanas:

(i) cuirtear an téacs seo a leanas isteach i ndiaidh "10.01 Dramhaíl ó stáisiúin chumhachta agus ó stáisiúin dócháin eile (seachas 19)":

"10 01 03: luaith cháithníní ó mhóin agus ó adhmaid neamhchóireáilte";

(ii) cuirtear an téacs seo a leanas isteach i ndiaidh "17 05 03* Ithir agus clocha ina bhfuil substaintí guaiseacha":

"17 05 04: ithir agus clocha seachas iad sin a luaitear in 17 05 03";

(iii) cuirtear an téacs seo a leanas isteach i ndiaidh "19 04 03* Céim sholadach neamhghloinithe":

"20 DRAMHAÍL CHATHRACH (DRAMHAÍL TÍ AGUS DRAMHAÍL TRÁCHTÁLA, THIONSCLAÍOCH AGUS INSTITIÚIDEACH DEN CHINEÁL CÉANNA) LENA NÁIRÍTEAR CODÁIN DRAMHAÍOLA A BHAILÍTEAR AR LEITHLIGH

20 01: codáin dramhaíola a bhailítear ar leithligh (seachas 15 01)

20 01 41: dramhaíl ó shimpléir a scuabadh";

(b) sa dara mír, déantar an dara colún den tábla dar teideal "Teorainneacha uastiúchana na substaintí a liostaítear in Iarscríbhinn IV", a leasú mar a leanas:

(i) cuirtear an méid seo a leanas in ionad an téacs "Débheinsi-p-dé-ocsainí polaclóirínithe agus débheinsafúráin: 5 mg/kg;":

"Débheinsi-p-dé-ocsainí polaclóirínithe agus débheinsafúráin pholaclóirínithe agus défheinilí polaclóirínithe dé-ocsainiúla (dl-PCBanna): 5 mg/kg;";

(ii) cuirtear an méid seo a leanas in ionad an téacs "Suim na dtiúchan éitir teitreabrómaidhéfhéinile ($C_{12}H_6Br_4O$), éitir peinteabrómaidhéfhéinile ($C_{12}H_5Br_5O$), éitir heicseabrómaidhéfhéinile ($C_{12}H_4Br_6O$) agus éitir heipteabrómaidhéfhéinile ($C_{12}H_3Br_7O$): 10 000 mg/kg;":

"Suim na dtiúchan éitir teitreabrómaidhéfhéinile ($C_{12}H_6Br_4O$), éitir peinteabrómaidhéfhéinile ($C_{12}H_5Br_5O$), éitir heicseabrómaidhéfhéinile ($C_{12}H_4Br_6O$), éitir heipteabrómaidhéfhéinile ($C_{12}H_3Br_7O$) agus éitir deacabrómaidhéfhéinile ($C_{12}Br_{10}O$): 10 000 mg/kg;";

(iii) cuirtear an téacs seo a leanas isteach i ndiaidh "Tocsaiféin: 5 000 mg/kg;":

"Peinteaclóraifeanól, a shalainn agus a eistir: 1 000 mg/kg;

Déchófol: 5 000 mg/kg;

Aigéad sárflhuarochtánóch (PFOA), a shalainn agus a chomhdhúile PFOA-ghaolmhara: 50 mg/kg (PFOA agus a shalainn), 2 000 mg/kg (comhdhúile PFOA-ghaolmhara);

Aigéad sulfónach sárflhuaraiheacsáin (PFHxS), a shalainn agus a chomhdhúile PFHxS-ghaolmhara:

50 mg/kg (PFHxS agus a shalainn), 2 000 mg/kg (comhdhúile PFHxS-ghaolmhara).";

(c) cuirtear an méid seo a leanas in ionad an tríú mír:

"Is de réir na bhfachtóirí coibhéise tocsaineachta (TEFanna) seo a leanas a ríomhfar an teorainn uastiúchana le haghaidh débheinsi-p-dé-ocsainí polaclóirínithe agus débheinsafúráin pholaclóirínithe (PCDD agus PCDF) agus défheinilí polaclóirínithe dé-ocsainiúla (dl-PCBanna):

Fachtóirí coibhéise tocsaineachta (TEFanna) le haghaidh PCDD, PCDF agus dl-PCBanna

PCDD	TEF
2,3,7,8-TeCDD	1
1,2,3,7,8-PeCDD	1
1,2,3,4,7,8-HxCDD	0,1
1,2,3,6,7,8-HxCDD	0,1
1,2,3,7,8,9-HxCDD	0,1
1,2,3,4,6,7,8-HpCDD	0,01

OCDD	0,0003
PCDF	TEF
2,3,7,8-TeCDF	0,1
1,2,3,7,8-PeCDF	0,03
2,3,4,7,8-PeCDF	0,3
1,2,3,4,7,8-HxCDF	0,1
1,2,3,6,7,8-HxCDF	0,1
1,2,3,7,8,9-HxCDF	0,1
2,3,4,6,7,8-HxCDF	0,1
1,2,3,4,6,7,8-HpCDF	0,01
1,2,3,4,7,8,9-HpCDF	0,01
OCDF	0,0003
dl-PCBanna	TEF
PCB 77	0,0001
PCB 81	0,0003
PCB 105	0,00003
PCB 114	0,00003
PCB 118	0,00003
PCB 123	0,00003
PCB 126	0,1
PCB 169	0,03
PCB 156	0,00003
PCB 157	0,00003
PCB 167	0,00003
PCB 189	0,00003".